



## **Reuerendi Patris P. Hieremiæ Drexelii e Societate Iesu Opera omnia**

Duobus nunc Voluminibus comprehensa, & libellis ante hac non editis  
aucta ; Illvstrata, Indicibvs Moralibus, Locorum S. Scripturæ, Capitalium  
Mysteriorum fidei, Rerum, & Concionum quouis anni tempore habendarum  
; Congestis Et Compositis Methodo prorsus, alijs Auctoribus inusitata ; Sed  
Theologis ...

Indicibvs Illvstratvs Et Avctvs Concionatoriis

**Drexel, Jeremias**

**Antverpiæ, 1643**

Sect. I. Magos qui Christum adorarunt fuisse reges.

---

[urn:nbn:de:hbz:466:1-77031](https://nbn-resolving.org/urn:nbn:de:hbz:466:1-77031)



## CAPUT XI.

Quâ Veneratione Christum Natum  
adorarint Magi.

DE Magorum profectioe, & profectiois ducē  
differimus: nunc porro dicendum, quā sub-  
missione, quanto in omnes posteros exemplo pueru-  
lum, qui nihil divini ultra humanam speciem præ-  
ferre videbatur, sint venerati, cum Matthæus dicat:

Matth. c. 2. Et procedentes adoraverunt eum.  
vers. 11.

§. I. Magos, qui Christum adorarunt,  
fuisse Reges.

Triū Ma-  
gorum ad-  
miranda  
Christi ad-  
oratio.

DIximus de Magorum admirandâ profectioe,  
hac tamen longē admirabilior adoratio, quā  
vagientem in grano lectulo infantiam venerati  
sunt tres isti sapientissimi Regum. Tres, ajo: neque  
enim ego glossationem illud audio, quod plures tri-  
bus confingit; sed neque Iansenii, aliorumque opi-  
nionē probo, qui Reges fuisse negant. Majoris apud  
me ponderis est Augustini, Chrylostomi, Theophy-  
lacti, Eusebii, Prosperii auctoritas, quā ut tam fa-  
cile illis regios honores ademptam eam. Nam & do-  
ctissimus Tertullianus regium nomen illis tribuens,  
Magos Reges, inquit, serē habuit Oriens, & Damascus Ara-  
bie retrō deputabatur, antequam transscripta esset in Syro-  
phanicem ex distinctione Syriarum, cuius tunc virtutem Chri-  
stus accepit, accipiendo insignia ejus, aurum scilicet & odores.  
Huic sententiæ accedens Arnoldus Carnotensis, Re-  
ges, ait, Arabum & Saba ab Oriente egressi secuti stellam in-  
soliti luminis, gembus curvatis, & hinc desuente purpurâ,  
IESVM nostrum pannosum adorantes venerati sunt. Quam  
non ambigē illud suum oraculum de tribus his Re-  
gibus pronuntiavit Iliās, qui omnem pæne terram  
tenebris & caligine operiendam, Hierosolymam ve-  
rō inuitato nitore colluendam, divinitus jacti olim  
prævidens, Et ambulabunt, inquit, gentes in lumine tuo,  
& Reges in splendore ortus tui. Sed & Iesaii Prophetæ  
carmina à Tharsicis, Sabæis, Arabicis Regibus fe-  
renda munera clarissimè attestantur. Ipsa certè do-  
na, quæ deprompserunt, & thesauri, quos Christo  
Deo aperuerunt, regios apparatus illos esse æstiman-  
dos, conjecturam faciunt probabilissimam. At Hero-  
des, inquit, non eā pompâ, quæ Reges hospites de-  
cussit, aut excepisset, aut dimississet exceptos videtur.  
Sit ita: sit hoc certum, cuius tamen sacram paginam  
testē non habemus, sint non ut Reges ab Herode ha-  
biti; an Herodianâ superbiam nefcis, ad quam etiam  
subitus pavor accessit & trepidatio? Superbiâ inflatus  
præ se uno neminem agnoscebat Regem, trepidatio-  
ne turbatus, hospitalem curam non satis curæ habe-  
bat; unum illud agitabat animo, quâ ratione regnum  
sibi stabiliret, recens natum Regem tolleret; remotos  
illos Arabiæ Regulos non curabat. Certum est mihi;  
hos ab Arabiâ Dominos, & tres numero, & dignitate  
Reges, & rerum scientiâ sapientes, & ideo dictos  
Magos fuisse.

§. II. Hos Reges, non fuisse maleficos, sed sapientes  
Astrologos. Aliquid de Regum palatiis.

Hic mihi litem intendunt scriptores aliquot duce  
Origene, cui malefici, & nescio qui præstigia-  
tores hi sancti advenæ visi sunt. Ego Origeni mul-  
tam salutem dico, & hinc valere jubeo. Licebit mihi  
cum Anselmo, Leone Pontifice, Isidoro, Cypriano  
rectius sentire, & Anselmi verbis dicere, Non male-  
ficos, sed sapientes Astrologos fuisse, & verbis Epi-  
phanii, spectandorum siderum arte polluisse. Atque  
si Hieronymum audimus, triplex apud Persas fuit

Apud Per-  
sas triplex  
fuit genus  
si Magorum.

A Magorum genus, è quo illorum nonnulli doctrinâ  
& facundia nobilissimi, qui rejeclis aliis epularum  
lautiis, farinâ solum & oleo victarunt. Ex horum  
sectâ hos Magos fuisse, incredibile non est. Iure igi-  
tur inter admiranda numero; quod ultimus Oriens  
diademata sua subjecerit illius Infantuli cunis, quem  
proximi accola ignorarunt; quodque regius sanguis  
in sordente caula illius puelli plantulas laeserit ol-  
culis, quom nemo Bethleorum civium vel domo di-  
gnatus est: & nisi pecudes nutum præbissent ho-  
spitium, nec tecto quidem à se inclementem bru-  
mam excludisset. Et tamen Reges ab ortu subire non  
verentur hoc ipsum pecudum receptaculum, ante  
infantem in terram ruere non cunctantur hac ipsâ in  
casâ, ah quali & quâ malè materiâ! Aliter certe  
Reges habitare consueverunt. Cambyses, Xerxes, &  
Darius, pæne ut Diâ habitarunt. Horum alter apud  
Susam & Ecbatana in fano quodam sacrosus nulli te-  
mere notitiam sui moris pandebat; sed circumspic-  
batur admirabili regiâ, cuius tecta fulgebant eboris  
nive, argenti luce; flammis ex auro & electri clari-  
tate. Lumina verò alia præ aliis erant. Porta ferrata  
& muri adamantina firmitate: ante fores viri  
fortes, stipatorisque regalium laterum tutelâ per-  
vigili custodiam per vices sortium sustinebant. Innu-  
mera divisa officia inter alios, inter quos Aures Re-  
gis & Imperatoris Oculi quidam vocabantur: per  
quæ officiorum genera, Rex ille ab hominibus Deus  
credebatur, cum omnia quæcumque ibi gerebantur,  
à suis ille talibus & Oculis & Auribus discebat. Si  
talem regiâ, talem & comitatum orientales illi  
Proceres reperissent, adhuc esset quod miraremur,  
si intueremur Reges ipsa limina ore tam prono salu-  
tare, regis vestigiis sponte tam blanda jactare basia.  
Et quis jam admirandi modus sit, cum cernamus in  
vilissimo tuguriolo ad pauperculi Infantuli pedes,  
Regum hæere oscula, cum tamen hinc nihil oculos  
incurreret, quod Regum vertices infra panniculos  
illos inclinaret. Humana hinc cernebantur omnia, imò  
ne vix humana quidem. Lectulus sanè non hominū  
sed pecudum ului serviebat, & cetera qualia? in qui-  
lini regii ne vestigium quidem præ se ferebant; no-  
biliozum equi sæpe mollius cubant & pretiosius,  
quàm orbis Monarcha. Equi Caligulae Cæsaris ebur-  
nea præsepia habuerunt: rerum Dominus vix è ces-  
pite & cannis palustribus stratum impetravit. Sci-  
mus quæ ipsorum olim Principum & Regum fuerint  
domus, quæ vel cellaria populos capiebant; quarum  
vel columnæ tantum, seu marmore variæ, seu  
ære solidæ, exercitus clauderant: jam laquearia vi-  
tro & ebore curiosè cavata, columnis aureis sulca,  
parietes argenteo calamine intecti, aut massis au-  
reis solidati, splendore proprio irradiabant, ut diem  
suum sibi domus faceret, licet nolente sole. Iam in  
pavimentis pæne gemmæ calcabantur. Urbem Romam  
assumat Plinius, bis totam cinctam domibus  
principum Caii & Neronis, & hujus quidem (ne  
quid deceat) fuisse auream. Tuam patientiam terra!  
monstra hominum & portenta urbes totas, palatia  
sibi statuunt, aurisque ædificant, & cæli architectus  
& mundi totius opifex vix pauperimâ casulâ hospita-  
tatur, vix in effossa cavernâ diviticulum recipitur.  
Ah! quàm disparibus domiciliis homines, & homi-  
num conditor inverfantur! En tuguriolum angustū,  
quod rustica manus virgæa vinxit crate, oblitum lu-  
to, cuius latera algæ & stipulâ clausit, quod in procli-  
ve ad imbrium decursus disposita fronde textit, ven-  
tis & omnibus injuriis cæli pervium. In hoc tam ma-  
gnifico penetrati inter bestias cum virgunculâ & sene  
Puer Hebræus habitat.